



Орган Лемковского Союза

Пренумерата в краю:

30 грошей місячно,
80 .. кварталньо,
1.50 .. полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сто-
роны 60 зл., $\frac{1}{4}$ стороны 35 зл.,
 $\frac{1}{8}$ стор. 20 зл., $\frac{1}{16}$ стор. 10 зл.;
оголошення малы за 1 мм. 20 гр.,
в тексті 30 гр., перед текстом
40 гр. При місячном и долгом
оголошеню значна знизка.

Конто чекове Нр. 404.155.

Выходит в каждый четверг.

Редакция и администрация в Крыниці. — Адрес „Лемко“ Крыница.

Ище ест на складі иллюстрованный календар „Лемка“ на рок 1937. Крім того выдано также малый кышечковий календарик для дітей и великий календар стінный.

Ціна одного экземпляра выносит 50 грошей

и кошты пересылки. При замовленю понад 10 календарей кошты пересылки покрыват администрация „Лемка“, котра дае также оден календар даром.

Доход с малых календариков, котрых ціна выносит 10 грошей, перезначаме на Руску Бурсу в Горлицах.

Редакция.

Засуд троцкистов.

Процес против Радка, Пятакова и тов., о-скарженных о шкредливу діяльність для Со-вітской Росии закончил ся дня 31. I. Трох о-скарженных: Радка, Сокольников и Арнольда засуджено на кару вязницы по 10 літ каждый, оскарженного Строилова на 8 літ вязницы, а инших 13-ох на кару смерти через розстрѣ-ляне.

Засуджены на кару смерти внесли подане до Центрального Исполнительного Комитета о помиловане. Подане того Центральный Коми-тет отшмарил и засудженных розстрѣляно.

С Москвы доносят, же военны суды сут росширены на терен цілой Росии. На провин-ции до тепер мали арестовати много людей, а меже нима 1.200 офицеров. Всі мают станути перед военным судом. С дальших донесень до-

відуеме ся, же арестовано родственника Троц-кого Бронштейна и вдову по Ленині. Вдова по розстрѣляном Пятакові убила ся. Переведено „чистку“ в великих хемичных фабрыках и в краевых фабрыках амуниции. Доносят также, же Радек и Сокольников, котры с послѣдного процесса вышли с житем; будут ище раз суд-жены разом с Бухарином, Рыковым и инши-ма членами т. зв. „третьего круга троцкистов“ на основі новых обтяжающих материялов. Уж тепер говорит ся о том, же в новом процесі за-жадат ся для-них кары смерти. С Берлина до-носят, же до Москвы завозвано также Литви-нова, комисара заграничных сивав и же по повороті Сталин хоче поставити его перед судом.

Летаючи люди.

Клем Зон — летающий человек вынашел новый аппарат, позволяющий человеку под-няться в воздух и летать по нем. Зон надѣват в той ціли нарочно зроблену одѣж, в котрой ест он подобный до мышперхача. Меже рука-ми и грудю и меже обома ногами мае тотя одѣж зроблены с шолка перепонкы, котры по-звеляют ему удержати ся в повітрю. Початко-во Зон поднимал ся в гору на самолеті и вы-скаковал с него на высоті 2-ох до 3-ох кильо-метров. Опадаючи поволі на долину, потра-фил он удержати ся в воздухе около 1 годи-ну. Тепер он поднимат ся в гору при номочи невеличкого мотора привязаного до грудей.

Клем Зон заявил, же на цілом світі ест уж около 100 „людей-птахов“, котры мают аппараты до поднимания ся и уміют держати ся в воздухе.

Злива в Испании перервала бои.

В Испании, особенно в провинциях сред-ных и полудневых падают великы дожджи, котры часами переходят в оборване ся хмар. Цілы пространства краю в долинах рік замі-нили ся в великанскы озера. В таких услови-ях военна акция на гдекотрых пунктах совсем устала.

Помимо тых трудностей повстанчи войска

роспочали нову атаку на фронті под Малягом. В виду сильного отпора державных войск не осягнуто великих результатов.

В тых днях повстанча артиллерия прину-стила атаку также на столицу. Пару арматных куль выбухло в середині Мадрыта. Поза тым великих змін и событь на испанских фронтах не было.

ЗИМОВА ПОМОЧ

в повіті новосандецком.

Повітовий Комитет Опеки над дітином и молодежом закупил с фондов зимовой по-мочи 1.000 пар черевиков для найбіднійших дітей. Черевикы сут роздаваны в школах, ко-тры ведут также акцию докормления с повіто-вых фондов.

В понеділок дня 15. лютого т. р. о год. 3-ой по полудни отбуде ся в Крыниці-Селі в бу-дынку старой школы

ОБЩЕ СОБРАНЕ

членов читальні им. М. Качковского, на котре доокрестну интеллигенцию и селянство за-прашат

Выділ.

Всіх членов читальні просит ся до того дня выровнати членскы вкладкы за р. 1936.

Москва: Серед засудженных в Москві троц-кистов был также оден поляк — Станислав, сын Антония Ратайчак. Ратайчак урод. в р. 1894 был занятый в совітском промыслі. Был оскарженный и засудженный за того, же на при-каз Пятакова зробил в літах 1934—35 три ак-ты саботажа в „Горловском азотном комбина-ті“, с чого два акты были получены с выбу-хами, от котрых стратило жите пару работни-ков. Ратайчак признал ся на процесі, же был „агентом фашизма и Троцкого“ и просил, што-бы „даровати ему жите и через того дати ему возможность окупити свою провину уцтивым трудом для совітского краю“.

Льондон: С Рио де Жанейро доносят, же Бразылия приготвят новый проект имигра-цийного права, на основі котрого буде впус-кати больше смигрантов до Бразылии. Будут там могли выїзджати также рольны работ-ники.

В чом наша сила.

Знана всім и стара правда, же где оден хлоц не може дати раду даякой роботі, там кличе сусідов и разом с нима поконує всі трудности и доводит роботу до успішного результата.

Если при поодынокой роботі потребна ест помоч других людей, то ище больше потреба лучности в роботі, где расходит ся о богатство села, народу або цілого краю — цілой державы. Штобы того добре зрозуміти, представме собі мале сельске господарство, на котром робит 5-ро людей. Сут они всі трудолюбивы, роботячи, але маюť оден ганч, же никто не хоче слухати другого и каждый робит лем того, што ся ему подабат. Тот, котрый мал бы пасти статок, иде копати, або до ліса, а живина стоить голодна в стайні, тот, котрый уміє добре сіяти зерно, ходит за плугом, а жена, вмiсто садити бандуркы, сіє зерно. На яр, коли ест робота в поли, трое с них пошло на заробок, а в осени, як треба чим скорше прятати с поля, двое почало молотити и т. д. Результат такой работы помимо того, же никто не дармовал, буде напевно марный и господарство перше ци позднійше упаде. Таксамо має ся річ с маєтком общества, села, народа, а и цілой державы, если ніт належитой организации работы, где робит ся без плану, где каждый старат ся робити на свою руку, ведля своего розуму и не хоче ся подпорядковати принятым правилам и слухати покликаних до того людей. Так ведены маєткы, хоц бы и як великы сут с горы перезначены на падене и если не змінит ся в них способу господаркы, мусят ся они змарновати.

Знаюť о том народы и от давна стремят до того, штобы злученым трудом здобывати собі лучну будучность. Знає купец, же сам власным капиталом не може розвинути добре своего склепу и принимат другого купца с капиталом. Трафит ся великий интерес, завязує ся товариство, зложено с богатых людей и и переводит діло. Таки богаты товариства будуюť желізны дороги, занимаюť ся добыванем с землі угля, ропы и других подземельных богатств, будуюť кораблі и захватуюť в свои руки меженародну торговлю. Доходы обертаюť на поширене и розвите предпріємства, а часть тых доходов иде на власны потреби членов товариства. Але при таких капиталистичных товариствах доходы ділит ся в зависимости от вложеного до интересу капитала и богатший, котрый дал больше грошей до интересу, достає и больше доходу. Тот способ закладаня товариств ест капиталистичный, бо там робит сам капитал на себе. Для широких мас сельского населеня ест он недоступный и тому населене на селі а также и роботники придумали инший способ злученой работы, а именно такой, в котром бы доходы не обчисляло ся от вложеного капитала, лем от работы и от заслуг положеных для товариства. Таким способом ест

кооперативна діяльність.

Група людей приходит до пересвідченя, же никто с них сам не може заложити склепу, молочарні, касы и т. д. и тому рішат она зробити того лучныма силами. Закладаюť товариство (кооператив), складаюť уділы и приступают до работы. Заложили склеп и по року обчислили доходы. Доходы однак не розділили помеже себе в пропорции до вложених уділов (грошей), як то має місце при капитали-

стичной системі, але розділили их тым членам, котры куповали товары в склені. Кто веце в склені куповал, тот достає веце, бо он дал больше склепови заробити. Так само при доходах с молочарні. Кто больше приносил молока до молочарні, тот достає больше зыскы с загального доходу молочарні. Такой способ ест справедливый и дає возможность каждому, аж и найбіднійшому користати с кооператива. Прото тых кооперативы повстали не серед богатей, але серед найбіднійшой версты людей — серед роботников. Не дали они дораз добрых результатов и переходили свои добры и злы часы, але наконєц приняли ся они в многих краях.

В попередном числі „Лемка” поміщено опис, як розвиват ся кооперативна діяльність в Дании, днеска хочеме поділити ся с почтенныма читателями вістями, як розвиват ся

кооперация в краю, знаном нам добре, а именно в Америкі.

Вісти тоты операме на статі поміщеной в „Кооперативном Вістнику” с січня 1937 р.

С початком XX. столітя наступил в Злученых Державах Полн. Ам. великий розвой кооперативных товариств во всіх галузях рольничого господарства. Переважаючим тыпом организоваия до того часу были місцевы кооперативы. Переконано ся однак, што користи для членов могут кооперативы дати своим членам лем втотчас, коли місцевы кооперативы злучат ся в союзы т. зв. „федерации”. Федерацияне движенє датує ся там от 1890 р., а в р. 1935 было чинных таких федераций 50, котры организоваили ся так, же в певных округах продуценты - фармеры сут членами місцевых кооперативов, а тоты творят федерацию (союз). Місцевы кооперативы занимаюť ся скупом сельско-господарских продуктов, а федерации продаюť дальше тоты продукты.

Рок 1920 замыкат одну и отвєрат другу еру в американской рольничой кооперации. В том часі ціны продуктов были низкы и фармеры нашли ся в тяжком положеню. Роки 1920—1924 то роки розвою великих центральных организаций збыта. Того рода кооперативы от місцевых ріжнят ся тым, што круг их діяльности обнимат ширши терытории, так, што користи членов сут ріжнороднійши и больше. Членами тых кооперативов сут фармеры, помимо того, што сут отдалены на десятки кильометров от місца пребывания того тыпа кооперативов. В том часі приступило около 600 тысяч фармеров яко члены до тых кооперативов.

Стиснений через ужа-дусителя.

Страшна сцена на улицах Будапешта.

На одной с головных улиц Будапешта мал місце недавно страшный случай. С автомобиля, ідучого в сторону цирку, выскочил нагло молодой мужчина, котрый почал перевертати ся по дорозі, выконуючи руками отчаянны рухы. Люди, котры прибігли ку нему, спостерегли с перестрахом величезного ужа (боа дусителя), котрый окрутил ся коло тіла несчастного. С каждым минутом человек, оплетеный сильным обручом, опадал с сил. По коротком часі лице его почало синіти.

На счастье в последном моменті пару силь-

Фармеры доставляли тым кооперативам пшеницу, баволну и други свои продукты в надежді, што великы масы продукции осягнут высши ціны. Однак около р. 1925 движенє то-то ослабло и погодивше не розвивало ся.

Колі и дальше положене фармеров не улущало ся, выдано в р. 1929 закон, котрый мал дати основу новой организации кооперативного збыта рольничих продуктов. Повстаюť новы организации продажи под названем: „народны агенции збыта”, яко окружны, або загально краєвы для продажи молочных продуктов, статку, баволны, волны, яиц, домашних птахов и т. д. Членами тых кооперативов явяюť ся державны, або районны товариства, кооперативны централі, а часом и місцевы кооперативы. Ціль их ест обняти контролем як наибольше число даного продукту, осягнути як найвысшу ціну, и усунути конкуренцию меже кооперативами. Тоты кооперативы сут зарєєстрованы, яко роботячи лем со своим членами. В остатных роках не организує ся там новых кооперативов, а всі усилия ідуť в том напрямі, штобы ускрепити существуючи кооперативы и улущити их способы работы.

Рольничу кооперацию Злученых Держав Ам. Полн. можна поділити на три основны группы, а именно: 1) кооперативы збыта, 2) кооперативы закупа и 3) кооперативы рольничо-кредытовы. Державный статыстичный уряд в Вашингтоні подає статыстичны даны за 1934/35, относячи ся до 8.794 кооперативов першой группы — збыта. Тоту групу можна поділити на 11 тыпов, як кооперативы молочарскы, организации хлібного зерна, збыта живины, овощей, ярин, баволны, домашних птахов, яиц, волны, дугану, оріхов, пани и т. п.

Як видно с того кооперация в Америкі также переходила ріжны фазы, свои худы и толсты літа. Помимо хвилевых неудач населене не зражало ся однак до ней, а лем зміняло форму и способы кооперации. Дух кооперацийный не падал николи и тепер кооперация обняла там широки кругы населеня. Уж тот сам факт, же она удержала ся и же розвиват ся, ест доказом, же приносит она населеню користи. Если там, где люди с цілого світа приїзджаюť по того, штобы скопити гроши и зробити бизнес, признали кооперацию за штоси добре и даюче населеню користи, то чомуж бы у нас не мала она дати тот сам хосен. Початкы сут однак все трудны. Прото тых трафиле ся у нас, же ту и там основанный кооператив не розвивал ся добре, а гдекади и упал. Тым однак не треба ся зражати, а наоборот, где лем сут условия, закладати такой або инший тып кооператива. Лем через переведене кооперативов по всіх наших селах можеме дойти до добробыта.

ных мужчин потрафилі оторвати гада от него. Як ся оказало, жертвом того страшного випадку был знанный цирковый артыст, котрый робил штуку с освоенным гадом - боа. Он іхал до цирку и перед тым робил пробу с ужом. Видно гад уважал тоту пробу за невыстаряючу и повторил ю ище раз в автомобиле. Напал он несподівано на своего пана, котрый был бы переплатил тот случай житєм, если бы не безотложна помоч людей.

Того вечера артыст не выступал в цирку и номер его треба было откликати. Перевезено его до шпиталя, где стверджено у него поламанє килькох ребер.

Уход за кроликами в зимі.

Хотячи, шtbody ся кролики счастли, не хворили и приносили нам хосен, треба их старанно плекати в зимі. Передовсем треба обезпечити их так, шtbody в зимі не мерзали, пак треба доконче переводити точну селекцию и всі слабы штукы с хову устрани.

С клітки шtbody найменше каждого другого дня выпрятати, а шtbodyденно кроликам стелити грубо, шtbody они могли в разі зимна загребети ся до соломы. Шtbodyкы закатарены зараз отділити, давати им яко корм сухе сіно, сушену мяту, полынь, посолену кус або посыпану салыцылем морков. Если бы с ноздрей закатареного кролика вытекала густа жолта теч, треба такого кролика забити, клітку дезинфекувати, стераючи ю горячим лугом, а пак выбілити вапном.

Зимушна паша мусит быти поживна и обильна. Основу творит добре сіно, котре даеме все на ноч, шtbody кролик мал ся чим бавити. Бандурку даеме все парену. Належит ю посыпати отрубамы и давати в виді подробле-

ном. Морков, буракы, карпелі дав ся суровы, але не змерзнены, бо такы шtbodyдят. Фалаткы хлїба сут знаменитым кормом. Можна давати также пшенины отрубы и овес. Воды кролики не потребуют, але при кормленю сухом пашом треба им давати огрїту воду. Кролики, яко грызуны потребуют конечно ріжных твердых предметв до грызеня, протв треба им давати до клітки малы галузкы.

Кролики перезначены на опас треба держати в малых клітках, шtbody малы як найменше руху. Дав ся им втотчас дуже овса. Не треба их однак занадто опасати, бо смалец кролика ест несмачный. Недоїдженый корм прятати и клітку держати чисто. Кролики належит бити в зимі, бо скоркы с зимового убою мают вартость, а скоркы с літного убою нич не бартают.

Ест много упередження до кроличого мяса. Тымчасом мясо с кролика ест здорове, а отвітно приряджене ест барз смачне.

Як украинскы священники помагают просвітительной роботі на Лемковщині.

В Розділю на катехизации украинскый „пан вітець” Николай Никита нашмарил ся на нашу молодеж за того, же нашол у ней малы календарчыкы выданы в користь Руской Бурсы в Горлицах. О. Никита поотберал тоты календары от дітей и остро приказал их покыдати, бо то ест „кацапске, москвофильске, то зараза” и т. д. Притом высмівал он всі наши общества, постов, литературу и т. д.

Таку маме тепер помоч от тых найздников. Сут они по цілой Лемковщині и тому треба на них уважати, шtbody не выховали с наших дітей украинскых яничар.

Шtbody до самого календарчыка, доправды не знам, шtbody вас так страшно роз’ярило, бо было его прочитати, то бы-сте ся переконали, же ест там описане лем того, кто основал Руску Бурсу в Горлицах и як она ся розвивала. Добідали бы-сте ся также и о том, же меже основателями той бурсы было много священников той самой віры, шtbody и вы егомосць, лем же их народ любил и шановал и мал до них довіре, бо их наука была щира, оперта на св. евангелию; они призывали людей до взаимной любви и не ділили николи своих парохиян на политычны таборы. Политыка была для них чужа и они памятали все о том, шtbody церков ест храмом Божим, а не политычным ареном.

Протв тыж раджу вам егомосць перечитати собі точно тот календарчык, шtbody-сте знали, же многы члены основателі жыют ище и не позволят вам безчестити память лучших сынов народа. А если вам ся наши общества на Лемковщині и их работа не подобають, то возте топорец и гайда на вашу неньку Украину.

Розділян.

Босько пов. Сянок.

Переходячи цілу Лемковщину вздолж, встрічає ся людей, котры нарикають на теперешны экономичны и политычны отношеня. И не лиш чує ся, але и видит ся, яку роботу ведут украинскы священники по рускых селах и до яких скандалов доводят. Епископы наслали на Лемковщину украинскых атаманов в реверендах, котры не на жарты взяли ся до украинизации рускых сел. Не идут они со словом Божим и любовью ближнього, але кыдають громы в сторону тых, котры не хотят Украины за державу звати. От килька приміров из села Боська. Ест там для навернення рускых аж двох атаманов в реверендах, оден воює вже кильканатцят літ на терені Рымановщины, Сяноччины и Короснянщины, то „отець” катихит Головач. Опасеный, откормленый, с голосом льва ревучого в пустыні. Того возят по селах Лемковщини, яко оказ „справдішнього українця”. Помимо сильного голосу в праці его не чути, бо боит ся, шtbody не попрацати Боська, Вороблика, Коросна тай своих газдын, с котрыма на сполку хату гарну поставил. Добрый политык, бо знає як обертати ся. Шtbodyбы показати, що с него вірный урядник, то он с поляками по гадці польско-украинской згоды „гарненько побалакає” а часом и погостит их у себе, шtbodyбы не бачили его закулисовой роботы, и не нули, як то по Службі Божой его хор співає в церкви украинскый гимн. Знал, кого послати епископ перемыскый на катихита в Рымановщину.

Другый, то отец Величко, парох. Не величкый тілом, але за тов великый „українськый дух” в нем перебуває. Мало Мазепа, мало атаман, мало кошевий. Ей кобы так была Украина, то напевно бы со своим войском вдарил на Апостольску Администрацию. Летчыкы „українськы” збомбардовали бы хату епископа. Горе тобі руска людино было бы на Україні, бо як в таком Боську не можна руснакам выдержати, то шtbodyбы то было? Мало того, що отец Величко кричит на проповіди „кацапы”, мало, що скыдає с церковных провизоров рускых людей, мало, що называє рускых недовірками, мало того, що в церкви святых як Андрея, Володимира, Кирила нпр. поробил украинцами, мало, що называє парохиян в церкви злодіями, мало, що за бл. п.

От. Администратором Масцюхом не позволил дзвонити, мало, що не голосит „всіх вас православных” и не выпоминає Апостольского Администратора, мало, що часто співають дякы гимн украинскый, мало того, що церква стала ся містцем сміху, але як бы так была „ленька україна” выскочил бы великый дух с маленького тіла и далій гуляти по рускых.

Ой, що бы вы дали отче за 1914 рок, шtbodyбы мати можность рускых людей под суды и в Талергофы дати. Такы, як вы отче просят ряд польскый, шtbodyбы за всіляку ціну забрати рускы народны дома, зликвидовати руске имя в Польці и на его містце назвати всьо украинскым. Не знаємо, чи Ряд польскый увірит в вашу згуду, бо та ест лиш до часу, доки не довершите рабунку Руского Народного Дому и инших концесий, а потом?

Бывший украинец

Володимир Калитко.

Загіре 16. XII. 1936.

Додаток:

В неділю дня 19. XII. 1936 г. парохия ма-ла велику сензацию. Як часто, так и в тую неділю гайдамацкы хулиганы мимо заказу Апостоль. Админ., шtbodyбы гимна украинского по церквам не співати и парохиян не бурити, а церкви не понижати — заспівали знова украинскый гимн. Комедия тая не устає. Гуляють и в церкви не дають Богу помолити ся спокойно. В той то день дячок по Службі Божой начинає гимн украинскый „Боже Великый”, а другы начали: „А кто, кто Николая любит”. Повстає в церкви замішанє, сміх и крик. Співають одны: „мы гайдамакы”. Так виглядає праця „вітців українців”, котры пришли Лемковщину украинизовати. Из церкви робят жидовскый „гайдер”, из церкви робят містце злобы, проклятя и сміху, а все во славу великой „україни”. Под оком о. Величкы и о. Головача нападають украинці на рускых и бют! Питаємо ся, що на тов сказали отцы? Чи не утіха была в сердцах ваших, що так діє ся? Где вы отцы духовны, котры кажете вірити в слова кыданы в церкви? Где любовь в Христа? Где любовь ближнього?

В. Калитко.

Як буде виглядати в будучности война

Оден английскый генерал, Фуллер старат ся доказати, же в будучности до веденя войны не буде потреба людей, а заступят их механизация, (машины), хемизация (газы) и електрификация (електрычна сила). Человік буде меньше потребный, бо заступит его машина-робот, керована людскым розумом. Образ такой войны признають знатоки за можливый, бо уж тепер военна техника поробила величезны поступы.

В першой мірі относит ся того до артилерии. Німецка „Груба Берта” перестала уж быти чимси чудачным. Тепер сут арматы значно большы, котры стріляють на 120—140 км., а в Англии робят пробы с канюном стріляющим на 160 км. Франция має модель арматы стріляющей на 480 км., а Німеччина придумує способы вынахода арматы ракетовой, котра могла бы летіти, где ся лем захоче. Таксамо чолгы сут уж пльваючы, скачучи и літаючи (ношены под самолетом). Найновши чолгы колово-гусеничны, выоружены в гаубицы, то страшны военны махины, для котрых ніт жадных перешкод и котры не боят ся не лем піхоты, але также и артилерии.

Всякого рода панцырны возы и тракторы дополняют цілость. Усувають они в тінь чим раз больше вояка пішого и конного и вызначають ему місце лем там, где чолг, трактор и панцырный воз не доїде, т. е. серед болот и лісов.

При такой военной техниці война замінит землю на пекло.

Що чути в світі.

Париж: Політичні круги Парижа ждуть, же Німеччина зажадат в коротком часі звороту колонії. Ведля донесень с Берліна, дипломатія німецька приготує просторний меморіал, основуючий колонійні жаданя Німеччини. Меморіал тот має завезти до Лондона амбасадор фон Риббентроп. Крім того Риббентроп має представити конкретний проєкт уложеня основних європейських справ.

Льондон: В звязи с предвидженим виступленем Німеччини о зворот колонії, англицькі газети подають, же англицьке правительство отшмарит тоты жаданя. Гдеякы газеты поміщають замітки, же Німеччина не буде жадати звороту колонії, лем зажадат, шtbody ей приділили означений контингент суровых колонійних товаров.

Льондон: С Москвы доносять, же дня 2. лютого арестовано там дочку засудженого на 10 літ Радка - Собельсона. В часі выкладов на московском университеті появило ся двох агентов Г. П. У., и поручили сторожу выкликати с выкладу 18-літню дочку Кароля Радка — Марусю. Дівчину забрали агенты с собом до Г. П. У., соткаль ю уж не выпустили.

Маруся Радек єст арестована за взыване студентов до демонстрації против вырочкови в процесі трєцкистов.

Токио: В Японии побідило войско. Новый премєр ген. Гаяши єст сторонником політыкы войскової. До тепер рада министров ухвалила выцофати проєкт бюджету и проєкт новых кредитов, представлєны палатам через попередне правительство и на тото місце приготувити новы проєкты.

Нью-Йорк: В вартатах самоходных фабрык Шевролет роботники оголосили окупаційный штрайк. В часі пробы зробленої в цілі усунєня роботников с фабрык пришло до схєаткы и выміны стрілов. Пару людей ранєно. Тепер тоты фабрыкы окружило войско в числі 1.200 людей, котре не позвалять подавати страв штрайкуючим роботникам, ани громадити ся роботникам на улицах коло фабрык.

Нью-Йорк: Президент республики Сан Доминго згодил ся выпустити до краю миллион жидов с Европы и дати каждому с них фарму о просторстві 30 акров, свободну от податку через перших 5 літ. Спровадженє до Сан Доминго и осадженє на ґрунті одного ємигранта обчислено на 1.000 долларов.

Сан Доминго має тепер неполных полтора миллиона жителєй, а може ся там помістити ище 4 миллионы людей.

Справа ємиграції жидов єст тепер в руках председателя жидовского конгрєса, рабина Визе, котрый провадит корєспондєнцію с президентом республики Рафаилом Труїлло и має незадолго выслати нарочну комісію експертов на Сан Доминго, котра має розслідити условия на місци.

В Женєві появила ся цікава книжка с обчисленем, килько коштувала послідна світова война. Ведля тых обчислень война коштувала 1.706 миллиардов долларов. Килько то школ, шпиталєй и научных заведєнь можна бы было побудувати за так кырєаво страчени гроши.

Валєнция: Испанске правительство рішило спровадити с ріжных краєв 300.000 тон зер-

на и приготувити декрет о картках на хліб и другы провянты.

Валєнция: Министерство войны доносить. На фронті Малагы одна с правительственных летничих ескадр збомбардовала повстанчий корабель „Канария”.

Вашингтон: Америка хоче дальше ограничити приниманє до себе ємигрантов с других держав. Має бити внесєний проєкт закона, котрый предвиджує:

1) поменьшанє иміграції, опертой на системі контынгєнтов.

2) высыланє всіх имігрантов, котры пополнили криминальны преступлєня.

3) примусову реєстрацію всіх людей с чужих краєв.

4) заказати выпустити всіх имігрантов, котры оставили родину в старом краю.

5) заказати давати роботу тым, котры не маєт амерыканского ґражданства.

В Америкє живє 14.200.000 людей, котры не уродили ся в Америкє. С тых лєм 6.284.000 має амерыканске ґражданство.

Вісти с краю.

Варшава: Министерство внутрєнних діл выдало обіжниц, в котром обясняє, же служба войскова не може бити причином звольнєня с роботы. Вояк, котрый мал роботу перед войском, має право жадати, жебы ему по выслужєню при войску дати тоту саму роботу, або дати ему роботу иншу сталу, або часову.

Варшава: В министерстві просвіщеня отбыла ся конференція в справі наданя посад безработным учителям. Понеже в бюджетном прєлиминарі предвиджено 4.000 новых учительских єтатов в школах народных, належит сподівати ся, же по дочищеню около 1.500 учительских посад опорожнєных через смерть и переход на ємерытуру, школьны власти затруднят по вакациях около 5.500 безработных учителей. Число безработных учителей выноєит тепер около 10.500 и зменшит ся таким способом перєшло о половину.

Крыница: Голяндска королевна Юлианна, котра разом со своим мужем князем Бернардом фон Биєстерфельд выїхала на пару днєй до Закононого и Кракова, вернула знова до

Крыницы, где проживє ище долший час. Была она недавно в Тыличі, оглянула церков и вписала ся до літописи парохияльной. Робит часто прогульки до окрєстных сєл и тїшит ся нашим прекрасным природом.

Варшава: В Варшаві умерла жидовка Рыфка Берман, котра перед смертю признала ся, же в Ленинграді, в пивниці одной камєниці закопала величєзны скарбы, якы оставил ей отец банкиєр Гнєсбург. Скарб тот складат ся с двох миллионєв рублєй в золоті, одной колий с брыльянтов вартости 800.000 рублєй, великой штабы плятыны и дорогої бижутєрии. Рыфка Берман закопала тот скарб перед утечом своим с Совітов. Дочка помершой Рыфкы Берман хоче звернути ся до совітского правительства и зажадати выданя скарбу с тым, же отдаєт сов. правительству 60 процєнт єго вартости.

Володимієр Вольнський. Здає ся, наймолодшим мужом єст 12-літний хлопець Пишель Гутєр, котрый ожєнил ся с 14-літном Лайом Гербер. Шлюб дал им рабин володимієрський Морґєнштерн.

Шкода принимати.

Лікар: Ніт што гварити, лік мусите прийняти, нич не поможе!

Хлоп: Як нич не поможе, то по што мам принимати.

Выворожила.

— Што тобі выворожила стара цыганка?

— Же буду мати якуєи втрату.

— Но и справдило ся?

— О так, зараз як вышла с хыжи, счєзло мі сало.

РОБЛЮ И ПРОДАЮ ПЕРШОРЯДНУ ШТУЧНУ ВОЩИНУ

ріжных розміров на найлучших вальцах Лянкофф по ціні 5,20 зл. за 1 кг.

Перєрабям воск на вощину и выміням вощину за воск, причом за перєробку число 1,20 зл. от 1 кг., або даю за 3 кг. воску 2 кг. вощины без доплаты в грошах.

Купую воск в каждом количєстві и плачу за 1 кг. 3,80 зл. до 4 зл. в зависєности от чистоты воску.

АНДРЕЙ ФУДЗЯК

Мысцова почта Жмигород.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ

ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасєкурує ся

в асєкураційном Товаристві

ВИТА И КРАКОВСКЕ

во Львові

Асєкурацію принимають на цілої Лємковщині
представитєлі: ґг. Осиф Ямовицький — Крыница - Сєло
и Михаїл Перєлом — Сянок.